

ზუგდიდის მუნიციპალიტეტის საკრებულოს

დადგენილება №36
2014 წლის 12 სექტემბერი

ქ. ზუგდიდი

„ზუგდიდის მუნიციპალიტეტის საკრებულოს დებულების (რეგლამენტი) დამტკიცების შესახებ“ ზუგდიდის მუნიციპალიტეტის საკრებულოს 2014 წლის 14 ივლისის №1 დადგენილებაში ცვლილების და დამატების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 41-ე მუხლის მე-3 პუნქტისა და 61-ე მუხლის, „ნორმატიული აქტების შესახებ“ საქართველოს კანონის მე-20 მუხლის შესაბამისად, ზუგდიდის მუნიციპალიტეტის საკრებულო ადგენს:

მუხლი 1

„ზუგდიდის მუნიციპალიტეტის საკრებულოს დებულების (რეგლამენტი) დამტკიცების შესახებ“ ზუგდიდის მუნიციპალიტეტის საკრებულოს 2014 წლის 14 ივლისის №1 დადგენილებაში (სსიპ „საქართველოს საკანონმდებლო მაცნე“, სარეგისტრაციო კოდი: 010250040.35.105.016147, 18.07.2014 წ.) შეტანილ იქნეს შემდეგი ცვლილება და დამატება, კერძოდ:

დებულების მე-16 მუხლი ჩამოყალიბდეს ახალი რედაქციით:

„მუხლი 16. საკრებულოს წევრის უფლებამოსილების განხორციელებასთან დაკავშირებული ხარჯების ანაზღაურება

1. საკრებულოს წევრს თავისი უფლებამოსილების (საკრებულოს სხდომებზე დასწრება, განსახილველ საკითხებში მონაწილეობა, ამომრჩევლებთან შეხვედრა და ცალკეული დავალებების შესრულება) განხორციელებასთან დაკავშირებით შეიძლება აუნაზღაურდეს:

ა) ტრანსპორტირების ხარჯები;

ბ) სამივლინებო ხარჯები;

გ) შიდა და საერთაშორისო სატელეფონო და სატელეგრაფო მომსახურების ხარჯები;

დ) სხვა ხარჯები (ინტერნეტის, ქსეროასლების გადაღებისა და ა.შ.).

2. საკრებულოს წევრს, ამ მუხლის 1-ლი პუნქტის „ბ“ ქვეპუნქტით განსაზღვრული ხარჯი უნაზღაურდება საკრებულოს აპარატში წარმოდგენილი, მივლინებასთან დაკავშირებული დოკუმენტაციის საფუძველზე.

3. ამ მუხლის 1-ლი პუნქტის „ა“ „გ“ და „დ“ ქვეპუნქტით განსაზღვრული ხარჯების ანაზღაურების მიზნით საკრებულოს წევრს (გარდა საკრებულოს თანამდებობის პირებისა), ყოველთვიურად ეძლევა თანხა, რომლის ზღვრული ოდენობა განისაზღვრება საკრებულოს ნორმატიულ-სამართლებრივი აქტით;

მუხლი 2

დადგენილება ამოქმედდეს 2014 წლის 12 სექტემბრიდან.

ზუგდიდის მუნიციპალიტეტის
საკრებულოს თავმჯდომარე

ლაშა გოგია

